

d. Matsverð íbúðarhúsa og íbúðarlóða á eftirtöldum þéttbýlisstöðum hækki um 5%: Borgamesi, Dalvík, Höfn og Vestmannaeyjum og verður framreiknistuðull samkvæmt því 1,05.

e. Matsverð hlunninda verði óbreytt og verður framreiknistuðull samkvæmt því 1,0.

Við framreikning á ofangreindum grundvelli skal höfð hliðsjón af fyrningum samkvæmt reglum Fasteignamats ríkisins um einstakar tegundir fasteigna.

Ofangreind breyting fasteignamats er miðuð við fasteignamatsverð samkvæmt fasteignaskrá þeirri er gildi tók 1. desember 1995 með síðari breytingum ákveðnum af Fasteignamati ríkisins og yfirfasteignamatsnefnd.

### 2. gr.

Á vegum Fasteignamats ríkisins hefur verið samin ný fasteignaskrá, þar sem matsverð einstakra fasteigna er skráð samkvæmt þeim framreiknistuðlum sem ákveðnir hafa verið samkvæmt framanskráðu. Hin nýja fasteignaskrá inniheldur einnig þær matsbreytingar sem Fasteignamat ríkisins eða yfirfasteignamatsnefnd hefur gert á einstökum eignum svo sem við endurskoðun á eldra mati og vegna úrskurða á kærnum er kunna að hafa leitt til matsbreytinga.

### 3. gr.

Fjármálaráðherra hefur staðfest heildareintak hins nýja fasteignamats eins og það hefur verið ákveðið með ofangreindum hætti. Fasteignaskráin mun liggja frammi til sýnis á skrifstofu Fasteignamats ríkisins, Borgartúni 21, Reykjavík, frá og með 1. desember nk. Jafnframt verður eigendum fasteigna send sérstök tilkynning um breytingu á matsverði viðkomandi fasteigna.

### 4. gr.

Með vísun til laga nr. 94/1976 tilkynnir ráðuneytið hér með að nýtt matsverð fasteigna, sem ákveðið er með ofangreindum hætti og fram kemur í staðfestri skrá Fasteignamats ríkisins, tekur gildi frá og með 1. desember 1996.

Með auglýsingu þessari fellur úr gildi auglýsing nr. 596 22. nóvember 1995.

*Fjármálaráðuneytinu, 21. nóvember 1996.*

**Friðrik Sophusson.**

*Björn Hafsteinsson.*

## AUGLÝSING

### um umferð á Ísafirði.

Að tillögu bæjarstjórnar Ísafjarðar og samkvæmt heimild í 81. gr. umferðarlaga nr. 50/1987 er gildistöku auglýsingar nr. 585/1996 um umferð á Ísafirði dagsettri 31. október 1996, sem birt var í Stjórnartíðindum 20. nóvember sl. og í Lögbirtingablaðinu þann 15. nóvember sl., frestað ótímabundið, en auglýsingin átti að taka gildi þann 1. desember 1996.

Reglur þær sem greinir í auglýsingu nr. 585/1996 eru eftirfarandi:

Akstursstefnu Hafnarstrætis og Aðalstrætis frá gatnamótum Mánagötu, Pollgötu og Hafnarstrætis að gatnamótum Aðalstrætis og Pollgötu er breytt þannig að ekið verður niður Eyrina í austur- og suðurátt. Einstefna verður áfram á umræddum kafla Hafnarstrætis og Aðalstrætis en hún snýst nú við.

Bannað er að leggja bifreiðum í Hafnarstræti milli Mánagötu og Hrannargötu. Akstur frá Mánagötu yfir á Pollgötu er bannaður.

Reglur þessar, sem settar eru samkvæmt 81. gr. umferðarlaga nr. 50/1987, munu því ekki öðlast gildi þann 1. desember 1996, og er gildistöku þeirra frestað ótímabundið þar til annað verður ákveðið.

13. tl. III. kafla auglýsingar um umferð á Ísafirði nr. 189/1993 sem falla átti úr gildi við gildistöku framangreindrar auglýsingar mun því áfram vera í gildi, sem og allar aðrar reglur um umferð í kaupstaðnum, er kunna að hafa verið settar og brjóta í bága við reglur auglýsingar nr. 585/1996.

*Lögreglustjórinn á Ísafirði, 21. nóvember 1996.*

F. h. l.

**Gísli Rúnar Gíslason** fulltrúi.

## REGLUGERÐ

### um aðgang að leigulínum á almenna fjarskiptanetinu.

#### I. KAFLI

#### Gildissvið og merking.

##### 1. gr.

#### *Markmið og gildissvið.*

Reglugerð þessi gildir um framboð og notkun á leigulínum í almenna fjarskiptanetinu. Markmið reglugerðarinnar er að tryggja opinn aðgang að leigulínum í almenna fjarskiptanetinu og setja ákveðin samræmd skilyrði um framboð þeirra og notkun.

##### 2. gr.

#### *Skilgreiningar.*

- Í reglugerð þessari hafa orð og orðasambönd eftirfarandi merkingu:
- Almennt fjarskiptanet:** Innviðir fyrir almenn fjarskipti sem gera kleift að flytja merki milli skilgreindra nettengipunkta með rafþræði, örbylgjum, ljóstækni-  
legum aðferðum eða með öðrum rafsegulaðferðum.
- Leigulínur:** Aðgangur að almennu fjarskiptaneti fyrir gagnsæjan flutning milli nettengipunkta án skiptipjónustu.
- Notendur:** Notendur og þjónustuaðilar, að meðtöldum fjarskiptafyrirtækjum þegar þau veita þjónustu sem aðrir veita eða geta veitt.